

傷寒溯源集

二

重編張仲景傷寒論證治發明溯源集卷之二

虞山 錢潢天來甫

著

男 格壽平

門人 曾銘鐸三

訂

日本 天野俊英子雲再訂

太陽中篇

相州男 天野俊芳蘭秀參考

傷寒證治第二

門豫生 渡邊在冲正喜參考

傷寒正治

太陽病或已發熱或未發熱必惡寒體痛嘔逆脉陰陽

俱緊者名曰傷寒

（一）前總脉總証中已先並舉中風傷寒所同有之脉証矣而尚未分其

何以爲中風何以爲傷寒也此篇卽於篇首脉浮頭項
強痛之總脉証中又增下入已發熱未發熱惡寒頭痛嘔
逆及脉之陰陽俱緊以別其爲傷寒所現之脉証有上如
此也傷寒者寒傷營也營在衛內而屬陰寒本陰邪其
性鋒銳故深入而傷營也寒邪入於腠玄府緊閉陽氣不
得發泄未有鬱而爲熱者此言或已發熱或未發熱
者言其發熱之候雖有或早或遲而皆必惡寒體痛嘔
逆也稱惡寒而不言惡風者以寒傷營而言也下文雖
有惡風無汗之條蓋以營衛表裏相連寒邪由衛入營
營傷則衛必先傷是以亦惡風也體痛者寒傷營分也
營者血中精專之氣也血在脉中隨營氣而流貫滋養
夫一身者也生氣通天論云聖人陳陰陽而筋脉和同
氣血皆從此因寒邪入於血脉之分營氣濇而不快於
流行故身體骨節皆痛也嘔逆氣逆而嘔也胸膈爲太
陽之區界邪在胸膈故氣逆而爲嘔也然各經之嘔不
一唯惡寒發熱脉緊無汗之嘔則爲太陽之本証也當
以各經之兼証別之則自分矣如傷寒嘔多雖有陽明
證不可攻之蓋以太陽表証未去亦屬太陽之嘔也若
發熱無汗之傷寒嘔不能食而反汗出濇濇然者是轉
屬陽明之嘔也又如食穀欲嘔者屬陽明也又若嘔而

往來寒熱者屬少陽之類是也。脉緊者如索之緊絞也。脉經謂緊與弦相類。辨脉篇云：弦者狀如弓弦，按之不移也。緊者如轉索無常也。脉陰陽俱緊者，言取之浮候固緊，而按之沉候亦緊也。前中風為陽邪，所以僅傷衛分之陽，故陽浮而陰弱。此以下寒邪鋒銳深入營分，寒邪由衛入營，營衛俱受傷，故脉之陰陽俱緊也。病機十九條云：諸寒收引，皆屬於腎。腎與膀胱相為表裏，故寒在太陽而脉緊也。緊則為寒氣所傷，故名之曰傷寒也。然非獨冬令為然也。六氣之變，四時皆有之。特以冬月為多耳。以下凡稱傷寒而用麻黃湯者，皆同此脉証也。以寒傷營為第二層，故以之為太陽中篇也。辨誤：夫寒雖六氣之一，實冬令嚴寒肅殺之藏氣也。天地之陽氣自春令上升出地而發生萬物，至夏令而暢茂盛長矣。盛極當衰，故行秋令以收斂成實，是為西成。既成則有冬氣以藏之，又為來春發生之根本。故冬藏之寒氣乃天地萬物成始成終之正氣，所以不可傷。傷之則為病矣。然何以傷之即病乎？蓋天地之陽氣至十月則陰氣已極，卦屬純坤。十一月而一陽生於盛陰之中，在卦為復，其象為坎。一陽居於二陰之中，以寒水為之胞胎，涵藏深固，潛養初陽，所謂潛龍勿用也。待漸長出地而

爲東震發生之主故其卦爲泰乃立春之候也至二月而陽氣始壯透地上騰而爲風矣由此天造草昧之時而雷霆風雨萬物化生草木條達矣若傷其寒水之胞胎則藏陽損泄至春而不能暢達則六氣不時旱澇不均饑荒荐至矣人身以腎爲冬臟命門之真陽藏於兩腎之中卽坎卦之象乃大極中涵藏之元氣也爲生氣之本三焦之原一陽藏於兩腎寒水之中潛養固密則元陽充足然後清陽之氣升越上騰蒸穀氣而外達則爲衛氣遊一身而布化則爲三焦若此火損傷則三焦無以布其陽氣上焦無此則耳目失其聰明中焦無此則水穀不能運化下焦無此則氣化不得流行二陰之竅不利沉不能蒸騰其慄悍滑疾之穀氣以外衛皮膚致腠理不密而風寒溫暑之邪乘虛而中之矣故曰冬傷於寒春必溫病此內經言未病之前先傷於寒也所謂冬傷於寒者言傷其冬臟主蟄封藏之本寒水不能固養其元陽以致三焦肝膽之陽氣不旺不能敷布其陽春生發之衛氣使腠理不密玄府空疎外邪得以襲之而成溫也至若此篇之所謂傷寒者乃仲景專指寒邪侵入營衛鬱於腠理之間陽氣不得發泄惡寒發熱之外邪已病之傷寒也叔和不曉陰陽未達至理軒岐

之旨罔窺仲景之玄未悟妄以內經之冬傷於寒認爲仲景之傷寒不分已病未病不辨先天後天遂引內經冬傷於寒以證仲景論中傷寒二字究不能解冬傷於寒因何直待春令而始溫病又不能解熱論所云凡病傷寒而成溫者先夏至日者爲病溫後夏至日者爲病暑以旣感之寒邪何故肯遙隔半年三月然後發動想其下筆之際必大爲扼腕不得已而強爲一說曰不卽病者寒毒藏於肌膚至春變爲溫病至夏變爲暑病若寒邪果肯安然久處於肌膚則內經玉機眞藏論中之風寒客於人使人毫毛畢直皮膚閉而爲熱之說豈反爲虛語耶自有叔和之說而千古之惑從此始矣不意唐啓玄子王冰亦不察其誤謬遂於素問陰陽應象論中冬傷於寒句下引此數語以作注脚又因此而使天下後世之人皆認爲經文之本意如此莫識其爲叔和之謬語視之不啻若鼎鐘銘勒之文金石不磨之論悉崇信之而不疑動輒引之以爲證據無論智愚鮮有不下陷溺其說而入其彀中者矣余四氣之旨詳載在素問生氣通天論及陰陽應象論注中此篇不及具載僅畧舉其一端以辨傷寒二字之疑似爲千古之訛耳

太陽病。頭痛發熱。身疼腰痛。骨節疼痛。惡風無汗而喘。

者。麻黃湯主之。

二上條雖具脈證以正傷寒之名而傷寒之證猶未備也故於此條補出諸

証併出其主治之法也其於兩條中互見者蓋示人以傷寒之見証非必悉具亦或不齊也邪在太陽必頭痛前雖見之總証而本條猶未見也故仍補出曰身疼腰痛骨節疼痛者所以分疏上文體痛之義至真要大論云諸寒收引皆屬於腎腰者腎之府也骨者腎之所主也腎與膀胱一臟一腑相為表裏且足太陽膀胱之經夾脊脊而行於兩旁邪在太陽故腰痛骨節疼也惡風雖下或可與惡寒互言然終是營傷衛亦傷也何則衛病則惡風營居衛內寒已入營豈有不從衛分而入者乎故亦惡風也無汗而喘者肺主皮毛寒邪在表內通於肺邪氣不得發泄肺氣不宣通故無汗而喘也寒邪非汗泄不解故以麻黃湯主之

麻黃湯方

麻黃

三兩去節

桂枝

二兩

甘草

一兩

杏仁

七十箇去皮研

右四味以水九升先煮麻黃減二升去上

沫內諸藥煮取二升半去滓溫服八合覆取微似汗不

須啜粥餘如桂枝法將息

麻黃氣味輕薄辛溫發散肺經開鬼門之專藥也杏仁苦

辛滑利肺氣之要藥也仲景治太陽傷寒皆用手太陰藥者以下肺主皮毛故也用甘草者經云寒淫所勝平以

辛熱佐以苦甘是也一劑之中唯桂枝為衛分解肌之藥而能與麻黃同發營分之汗者以下衛居營外寒邪由

衛入營故脉陰陽俱緊陽脉緊則衛分受傷陰脉緊則邪傷營分所以欲發營內之寒邪先開衛間之出路方

能引邪由營達衛汗出而解也故李時珍本草發明下云麻黃乃肺經專藥故治肺病多用之張仲景治傷寒

無汗用麻黃有汗用桂枝歷代名醫解釋皆隨文傳會未有究其精微者時珍嘗思之似有一得與昔人所解

不同夫津液為汗汗即血也在營則為血出衛則為汗大寒傷營營血內蓄不能外通於衛衛氣閉固津液不

行故無汗發熱而憎寒夫風傷衛衛氣受邪不能內護於營營氣虛弱津液不固故有汗發熱而惡風然風寒

之邪皆由皮毛而入皮毛者肺之合也肺主衛氣包羅一身天之象也証雖屬乎太陽而肺實受邪氣其証時

兼面赤、怫鬱、欬嗽、痰喘、胸滿、諸証者，非肺病乎？蓋皮毛外閉，則邪熱內攻，而肺氣贖鬱，故麻黃甘草同桂枝引出營分之邪，達之肌表，佐以杏仁，泄肺而利氣，是則麻黃湯雖太陽發汗重劑，實為發散肺經火鬱之藥也。源湖此論，誠千古未發之秘，奈何前輩見仲景用之以發太陽之汗，遂以為足太陽藥，又以麻黃為發汗之藥，桂枝為固衛止汗之藥。若桂枝果能止汗，仲景豈反用之以助麻黃而發汗耶？後人有用麻黃而監之以桂枝，見節制之妙，更有馭六馬而執轡，唯謹，恒虞其泛軼之說，豈理也哉。

脉浮者，病在表，可發汗，宜麻黃湯。（三）

脉浮而數者，可發汗，宜麻黃湯。（四）此二條所以申脉浮及浮數者，亦可發汗。

不必皆緊脉也。按脉法，浮則為風，緊則為寒，脉浮惡風，自汗者，當用桂枝湯解之；脉緊惡寒，無汗者，當以麻黃湯汗之。中風用麻黃湯，則為誤汗，傷寒用桂枝湯，尤為禁劑。此條以脉但浮，而曰可發汗，宜麻黃湯，豈仲景之誤耶？以理測之，脉雖浮數而不緊，必有惡寒，體痛無汗之見症，故以麻黃湯發汗也。若脉浮而數者，尤似乎脉

浮而動數之太陽中風矣不知已發熱之傷寒其脈亦可浮數也但察其所見之証有惡寒無汗等証則仍是寒傷營也然脈既浮數則鬱熱之邪猶在表經云可汗而已也故曰可發汗宜麻黃湯○辨誤 寒邪在表則脈浮已發熱者則脈數此其常也因上文有陰陽俱緊之脈法然寒邪在表亦可浮緊恐人拘泥故又申此二條以明下傷寒脈浮及浮數者亦可用麻黃湯但以有汗無汗別之可也注家俱因仲景有脈數急者為欲傳句遂謂乘其欲散而拓出之散其數而不令其至於傳後人因之又巧為之說曰乘其勢正欲傳用麻黃擊其半渡而驅之使出以理推之恐不必作如是解

傷寒一日太陽受之脈若靜者為不傳頗欲吐若燥煩

脈數急者為傳也五傷寒一日太陽受之者即內經熱論所謂一日巨陽受之二日陽明

受之之義也因太陽主表總統營衛故先受邪也然寒傷營之証其脈陰陽俱緊或見浮緊之脈若一日之後脈安靜恬退則邪輕而自解不至傳入他經矣倘見証頗覺欲吐則傷寒嘔逆之証猶未除也況吐則邪入犯

胃乃內入之機。若口燥而煩熱，脈數急者，為邪氣已鬱為熱，其氣正盛，勢未欲解，故為傳經之候也。

傷寒二三日，陽明少陽証不見者，為不傳也。

六二三日熱論所

謂二日陽明受之，三日少陽受之也。然未必太陽之邪必先傳陽明，而後傳少陽也。或入陽明，或入少陽，未可定也。若以常法論之，則二日當傳陽明，三日當傳少陽。若二三日陽明少陽証不見者，是邪氣止在一經，故為不傳也。

傷寒失治

太陽病，脈浮緊，發熱身無汗，自衄者愈。

七浮緊寒傷營之脈也，發熱

無汗，寒傷營之証也。自衄，鼻血自出，言失治而至於自衄也。傷寒之脈証既具，自當發其汗矣。蓋汗為營血之所化，陽氣鬱蒸而使陰液外泄，則營分之寒邪隨汗外泄而解矣。身既無汗，營邪不得外泄，鬱熱傷營，迫血妄行，從鼻竅而出，熱邪亦得隨血外泄而愈也。血猶汗也，汗即血也，血與汗皆能泄營分之邪，自衄者愈。

傷寒脉浮緊不發汗因致衄者麻黃湯主之

此重言以申明

上文之義言上文所謂脉浮緊發熱身無汗而自衄者蓋失之於先以不發其汗熱鬱營血之中因而致衄耳若見其脉浮緊卽知其寒邪在表當下卽以麻黃湯汗之則邪隨汗泄不至鬱熱傷營逼血上行致傷陰分矣故當先以麻黃湯主之則不至於衄也

太陽病脉浮緊無汗發熱身疼痛八九日不解表證仍

在此當發其汗服藥已微除其人發煩目瞑劇者必衄

衄乃解所以然者陽氣重故也麻黃湯主之

此又兼上文言

雖服藥而未得盡除併詳其致衄之漸又推原其所以然之故也言邪在太陽脉浮緊而無汗發熱身疼痛不

早發其汗至八九日之久而不解猶未陷入於裏而表

証仍在者此等仍當發其汗若服解表藥已而病微除

者非藥力輕薄不足以致汗去其邪卽汗不微而邪不得

盡除也邪之所除既微則留邪甚盛鬱而不泄所以發

煩眩冒而目瞑也其邪氣之劇者必至鬱熱傷營陰受
煎迫血熱上行從鼻竅而衄矣衄則熱邪上越乃得解
也原其所以下寒邪在太陽之表陽分鬱熱之邪
氣太重故也陽邪既重則從前發汗時當以麻黃湯主
之邪可盡除不至發煩目瞑直待衄血而後解矣○辨
誤條辨以風為陽邪寒為陰邪泥為定法故以浮緊
身疼無汗屬傷寒以陽氣重句屬中風又以發煩為風
壅目瞑為寒鬱謂衄後風邪已解而寒性沉滯須以麻
黃湯發之尚論遂因之以立說亦謂此乃風多寒少之
証陽氣重者風屬陽而入衛為寒所持雖得衄解仍主
麻黃湯以發其未盡之沉滯兩家俱以此三條入太陽
下篇以為風寒並感之證誤矣豈知風寒之本性雖有
陰陽之分而其中人也無論中風傷寒在陽經則為陽
邪入陰經則為陰邪此條雖屬寒邪已鬱而為熱又在
陽經故曰陽氣非指中風之陽邪為陽氣也如果是風
寒並感則當用桂枝麻黃各半等湯及大青龍湯矣何
故獨以麻黃湯主之耶若云衄後風邪已去不必挂枝
解肌所以獨用麻黃則去道遠矣仲景本云表証仍在
當發其汗又以服藥不能盡除以致發煩目瞑至衄血
乃解又恐後人未達其旨而又原其所以然之故以三陽

愚按此條諸注無正釋令特明之傷寒之下當有發汗後三字金匱要略曰虛勞不足汗出而悶脉結悸以此觀之則平素亡陰之人復發汗過多陰陽俱亡血液不生經脉不通是以心氣虛而脉結代心動悸者也用炙甘草湯主之若但亡陽心下悸身瞤動振振欲擗地者真武湯之証也

邪太重輕劑無益當以麻黃湯汗泄其邪則不至邪鬱不伸發煩目暝而衄矣非謂衄後可更用麻黃湯也若衄後可用則禁汗例中惡得有衄家不可發汗之戒乎且前條已有自衄者愈並不主之以麻黃湯次條有下不發汗因致衄者方云以麻黃主之義自明矣何庸二三其說耶

傷寒脉結代心動悸者炙甘草湯主之傷寒而見結代之脉則知其真氣已虛經血枯澁矣氣虛則流行失度血澁則脉道不利故脉見結代也五藏生成篇云脉之合心也脉要精微論云脉者血之府也心為藏神主血之臟因氣血虛衰心神搖動氣餒而惕惕然悸動也此為陰陽並虛法當氣血兼補故以炙甘草湯主之

炙甘草湯方 甘草四兩 生姜三兩 桂枝三兩 人

參二兩 麥冬半升 生地黃一斤 阿膠二兩 麻仁半斤 大

棗十二枚 右九味以清酒七升水八升先煮八味取

張錫駒曰脉結代者或結或代也結者病脉也代者死脉也結脉可治而代脉難治

三升去滓內阿膠烱化盡溫服一升日三服一名復脉

湯

此方以炙甘草為君故名炙甘草湯又能使斷脉復續故又名復脉湯甘草生能瀉心下之痞熱能補

中氣之虛故以為君生姜以宣通其鬱滯桂枝以暢達其衛陽入大棗而為去芍藥之桂枝湯可解邪氣之留結麥冬生津潤燥麻仁油滑潤澤生地黃養血滋陰通血脉而益腎氣阿膠補血走陰乃濟水之伏流所成濟為十二經水中之陰水猶人身之血脉也故用之以導血脉所以冠氏本草云麥冬地黃阿膠麻仁同為潤經益血復脉通心之劑也人參補元氣之虛同麥冬又為生脉散之半更以清酒為使令其宜通百脉流行血氣則經絡自然流貫矣藥雖平和觀其斤兩之重升量之多分兩之法雖有古今之異然較之他方已不同矣今人以一錢二錢及幾分作劑日飲一服而欲求其即効庸可得乎

脉按之來緩而時一止復來者名曰結又脉來動而中止更來小數中有還者反動名曰結陰也脉來動而中

醫宗金鑑曰脉
按之來緩時一
止至名曰結陰
也數語文義不
順且前論促結
之脉已明當是
衍文

止不能自還因而復動名曰代陰也得此脉者必難治

此一節所以申上文結代之義而析言其狀也緩者脉
來四至而軟弱寬緩也乃緊脉轉索絞急之對稱非若
遲脉之三至及三至半也結者邪結也脉來停止暫歇
之名猶繩之有結也凡物之貫於繩上者遇結必礙雖
流走之甚者亦必少有逗留乃得過也此因氣虛血滯
邪氣間隔於經脉之間耳虛衰則氣力短淺間隔則經
絡阻礙故不得快於流行而止歇也動而中止者非辨
脉法中陰陽相搏之動也謂緩脉正動之時忽然中止
若有所遏而不得動也更來小數者言止後更勉強作
小數小數者鬱而復伸之象也小數之中有脉還而反
動者名曰結陰何以謂之結陰辨脉法云脉來緩時一
止復來者名曰結脉脉來數時一止復來者名曰促脉
陽盛則促陰盛則結此皆病脉以此觀之則此條乃脉
緩而中止為陰盛之結故謂之結陰也代替代也氣血
虛憊真氣衰微力不支給如欲求代也動而中止句與
結脉同不能自還因而復動者前因中止之後更來小
數隨即有還者反動故可言自還此則止而未即復動
若有不復再動之狀故謂之不能自還又略久復動故

曰因而復動內經雖有數動一代者為病在陽之脈而此則從緩脈中來為陰盛之脈故謂之代陰也成氏謂結代之脈一為邪氣留結一為真氣虛衰即脈要精微論所謂代則氣衰者是也上文雖云脈結代者皆以炙甘草湯主之然結為病脈代為危候故又有得此脈者必難治包以申明其義蓋脈者陰陽氣血之所會隨呼吸而至者也故靈樞五十營篇云一呼脈行至氣行三寸一吸脈再至氣行三寸一呼一吸為一息脈四至而氣行六寸積一息而氣行六尺積至一百三十五息脈行八丈一尺漏下一刻日行十分六釐積至二百七十一息脈行一十六丈二尺氣行交通於中而一周於身漏下二刻日行二十分零至一萬三千五百息氣行五十營於身水下百刻日行二十八宿漏水皆盡而脈度終矣根結篇云五十營者五臟皆受氣持其脈口數其至也五十至而不一代者五臟皆受氣四十動一代者一臟無氣三十動一代者二臟無氣二十動一代者三臟無氣十動一代者四臟無氣不滿十動一代者五臟無氣予之短期要在始終所謂五十動而不一代者以爲常也以知五臟之期予之短期者乍數乍疎也經義如此故曰得此脈者必難治